

Javna ustanova Opća bolnica
„Prim. dr. Abdulah Nakaš“
Upravni odbor
Broj: 44-450- 130/24
Sarajevo, 05.08.2024. godine

Na osnovu člana 17. Zakona o javnim nabavkama ("Službeni glasnik BiH" broj: 39/14, 59/22), člana 20. Statuta Javne ustanove Opća bolnica „Prim. dr. Abdulah Nakaš“, člana 7. stav 3. Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine i člana 36. Poslovnika o radu Upravnog odbora broj 100-151/21 od 07.10.2021. godine, Upravni odbor na XXIX (dvadesetdevetoj) redovnoj sjednici održanoj dana 05.08.2024. godine donio je

O D L U K U

o IV Izmjenama i dopunama Plana nabavki Javne ustanove Opća bolnica „Prim. dr. Abdulah Nakaš“ za 2024. godinu

Član 1.

Ovom odlukom Upravni odbor Javne ustanove Opća bolnica „Prim. dr. Abdulah Nakaš“ utvrđuje IV. Izmjene i dopune Plana nabavki Javne ustanove Opća bolnica „Prim. dr. Abdulah Nakaš“ za 2024. godinu, kao u prilogu.

Član 2.

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2024. godinu broj 44-450-28/24 od 20.02.2024. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-450-29/24 od 20.02.2024. godine.

Član 3.

Ova Odluka stupa na snagu danom donošenja a ista će, zajedno sa IV. Izmjenama i dopunama Plana nabavki, biti objavljena na Portalu javnih nabavki i na internet stranici Javne ustanove Opća bolnica „Prim. dr. Abdulah Nakaš“ (www.obs.ba).

O b r a z l o ž e n j e

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2024. godinu broj 44-450-28/24 od 20.02.2024. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu.

Tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje nisu planirane u osnovnom Planu nabavki, te došlo i do izmjena pojedinih stavki osnovnog Plana nabavki u dijelu koji se odnosi na finansijsku vrijednost nabavke. Shodno prednjem utvrđena je IV. Izmjena i dopuna Plana nabavki Javne ustanove Opća bolnica „Prim. dr. Abdulah Nakaš“ za 2024. godinu.

Naime, radi se o sljedećem:

ROBE

Stavka 1. – „UP TO DATE“ - Stavka 278. osnovnog Plana nabavki za 2024. godinu mijenja se u pogledu zaključenja ugovora, odnosno umjesto zaključenja Ugovora za period od 1 godine, zaključit će se Okvirni sporazum na 3 godine. Za navedenu nabavku planirana su novčana sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva

Stavka 2. Medicinski gasovi- Stavka 105 osnovnog Plana nabavki za 2024. godinu mijenja se u pogledu zaključenja ugovora, odnosno umjesto zaključenja Ugovora za period od 1 godine, zaključit će se Okvirni sporazum za period od 1 godine. Za navedenu nabavku planirana su novčana sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva

Stavka 3. Nabavka i ugradnja klima uređaja - dodata je nova stavka, jer je uslijed visokih temperatura zraka došlo do otežanih uslova rada radnika koji rade u Odjeljenjima, odnosno Odsjecima na III spratu upravne zgrade, uključujući i prostorije koje se nalaze u sklopu kabineta direktora. S tim u vezi za potrebe istih odobrena je nabavka i ugradnja klima uređaja ukupno 20 komada.

Također, zbog povećanja temperature zraka u pojedinim bolničkim Odjeljenjima u kojima su osim radnika ove Ustanove smješteni i pacijenti, odobrena je nabavka i ugradnja 30 klima uređaja. Predmetna stavka dodaje se se u skladu sa dostavljenim zahtjevom šefa Odsjeka za javne nabavke, odnosno u skladu sa zahtjevom trenutnog zamjenika šefa. Predmetni postupak provešće se putem otvorenog potupka za dostavu ponuda, koji će biti podijeljen na LOT-ove (različite veličine klima uređaja u odnosu na veličinu prostorije u kojoj se ista treba instalirati), te će za isti biti odobrena sredstva u ukupnom iznosu od 62.500,00 KM

Stavka 4. Transportne torbe za medicinski materijal i lijekove za rad anesteziološke ekipe na punktovima van operacionih sala - dodata je nova stavka, u svrhu lakšeg i urednijeg transporta medicinskog materijala i lijekova, potrebnih za rad anesteziološke ekipe na punktovima van operacionih sala. Zahtjev za dodavanjem prednje stavke podnešen je od strane Šefa Odjeljenja za anesteziju, reanimaciju i hiruršku intenzivnu terapiju. Predmetni postupak provešće se putem direktnog sporazuma, te su za realizaciju istoga odobrena sredstva u iznosu od 850,00 KM.

Stavka 5. Gilis (gigli) pile za potrebe Odsjeka operacione zahvate i sterilizaciju - dodata je nova stavka, obzirom da se za nabavkom navedene robe ukazala potreba u okviru Odsjeka za operacione zahvate i sterilizaciju. Zahtjev za dodavanjem prednje stavke podnešen je od strane Šefa Odjeljenja za tehničke poslove i investicije , a na osnovu zahtjeva šefa Odsjeka za operacione zahvate i sterilizaciju. Predmetni postupak provešće se putem direktnog sporazuma, te su za realizaciju istoga odobrena sredstva u iznosu od 400,00 KM.

Stavka 6. Aparat za potpuno automatski Piont of care Real Time PCR analizator za brzo izvođenje PCR reakcija - Stavka 296. osnovnog Plana nabavki za 2024. godinu mijenja se u pogledu podjele na 2 stavke, i to na način da se u stavci 4 IV izmjena vrši nabavka prednje naznačenog aparata u vrijednosti od 60.000,00 KM. Time je došlo do smanjenja ukupnog iznosa nabavke stavke 296. osnovnog plana za 60.000,00 KM, a samim tim i na promjenu vrste postupka, tako da će se provesti otvoreni postupak. Prednje se temelji na činjenici da je došlo do promjene cijena na tržištu za predmetnu nabavku, a što je ujedno istaknuto u zahtjevu dr.

Azre Hodžić, šefa Odsjeka za mikrobiološku dijagnostiku. Za navedenu nabavku planirana su novčana sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva

Stavka 7. Ketridži aplikabilni za Aparat za potpuno automatski Piont of care Real Time PCR analizator za brzo izvođenje PCR reakcija- Stavka 296. osnovnog Plana nabavki za 2024. godinu mijenja se u pogledu podjele na 2 stavke, i to na način da se u stavci 5 IV izmjena vrši nabavka prednje naznačenih ketridža aplikabilnih aparatu iz stavke 4. u vrijednosti od 60.000,00 KM. Time je došlo do smanjenja ukupnog iznosa nabavke stavke 296. osnovnog plana za 60.000,00 KM, a samim tim i na promjenu vrste postupka, tako da će se provesti otvoreni postupak. Prednje se temelji na činjenici da je došlo do promjene cijena na tržištu za predmetnu nabavku, a što je ujedno istaknuto u zahtjevu dr. Azre Hodžić, šefa Odsjeka za mikrobiološku dijagnostiku. Za navedenu nabavku planirana su novčana sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva.

Istovremeno se ističe da se stavka 296 osnovnog plana mijenja iz razloga, jer nabavku aparata iz stavke 4 ovih izmjena pokreće Odjeljenje za tehničke poslove i investicije, dok nabavku ketridža iz stavke 5 ovih izmjena, pokreće bolnička apoteka, a sve na zahtjev šefa Odsjeka za mikrobiološku dijagnostiku.

Stavka 8. Autonomni, potpuno automatizovani sistem za brzu identifikaciju bakterija i gljivica - Stavka 294. osnovnog Plana nabavki za 2024. godinu mijenja se u pogledu podjele na 2 stavke, i to na način da se u stavci 6 IV izmjena vrši nabavka prednje navedene robe u vrijednosti od 55.000,00 KM. Time je došlo do smanjenja ukupnog iznosa nabavke stavke 294. osnovnog plana za 95.000,00 KM. Opravdanost izmjene temelji se na činjenici da je došlo do promjene cijena na tržištu za predmetnu nabavku, a što je ujedno istaknuto u zahtjevu dr. Azre Hodžić, šefa Odsjeka za mikrobiološku dijagnostiku. Za navedenu nabavku planirana su novčana sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva

Stavka 9. Identifikacione kartice za gram pozitivne bakterije, gram negativne bakterije anaerobne bakterije i gljivice i antibiogram kartice za navedene mikroorganizme sa potrošnim materijalom -Stavka 294. osnovnog Plana nabavki za 2024. godinu mijenja se u pogledu podjele na 2 stavke, i to na način da se u stavci 7 IV izmjena vrši nabavka prednje navedene robe u vrijednosti od 36.000,00 KM. Opravdanost izmjene temelji se na činjenici da je došlo do promjene cijena na tržištu za predmetnu nabavku, a što je ujedno istaknuto u zahtjevu dr. Azre Hodžić, šefa Odsjeka za mikrobiološku dijagnostiku. Za navedenu nabavku planirana su novčana sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva

Istovremeno se ističe da se ukupan iznos stavke 294 osnovnog Plana umanjio za 59.000,00 KM. Preostala sredstva rasporedit će se za druge potrebe bolnice u narednom periodu ukoliko se ukaže potreba.

Stavka 10. Kancelarijski materijal – mijenja se stavka 263 osnovnog plana na način da se umjesto naznačenog zaključenja Ugovora, zaključuje okvirni sporazum na period od 2 godine. Prilikom izrade tenderske dokumentacije za nabavkom roba Kancelarijski materijal u skladu sa stavkom broj 263 osnovnog usvojenog plana javnih nabavki, utvrđeno je da se potkrala tehnička greška u vezi sa označenjem zaključivanja Ugovora. O prednjem je obaviješten šef Odjeljenja za ekonomsko finansijske poslove koji je dana 30.07.2024.godine dostavio zahtjev za izmjenom plana kako je naprijed naznačeno. Za navedenu nabavku planirana su novčana

sredstva prilikom izrade osnovnog usvojenog Plana JN za 2024. godinu, te za ista neće biti potrebna dodatna sredstva

Stavka 11. Uništenje farmaceutskog otpada - dodata je nova stavka, u svrhu zbrinjavanja farmaceutskog otpada. Osnovanost prednje nabavke usluga temelji se i na činjenici da je u toku 2023. godine izvršen farmaceutsko-inspekcijski nadzor od strane Kantonalnog farmaceutskog inspektora, koji je izdao Rješenje te naložio ovoj Ustanovi da obezbijedi Ugovor o zbrinjavanju farmaceutskog otpada, kao i da dokumentuje da je sav farmaceutski otpad propisno otpremljen operateru na uništenje. Zahtjev za navedenu nabavku, osim od strane šefa bolničke apoteke, pokrenut je i od strane Kabineta direktora. Postupak će se provesti putem direktnog sporazuma, te su za ovu stavku odobrena sredstva u iznosu od 4.000,00 KM.

Stavka 12. Izrada i ugradnja PVC Portala za potrebe vešeraja – dodata je nova stavka, obzirom da je prilikom unosa nove opreme u vešeraj, došlo do uklanjanja postojećih portala. Ponovnim postavljanjem postojećih portala ustanovilo se da se isti ne mogu adekvatno otvoriti. Kako postojeći portali nemaju odgovarajuću funkciju, te se udovoljilo Zahtjevu šefa Odsjeka za održavanje i higijenu. Predmetni postupak provešće se putem direktnog sporazuma, te je za realizaciju istoga odobren iznos od 6.000,00 KM.


Gore navedene izmjene su izvršene u skladu sa Zakonom o javnim nabavkama („Službeni glasnik BiH“ broj 39/14, 59/22) i podzakonskim aktima.

Imajući u vidu sve naprijed navedeno odlučeno je kao u članu 1 ove Odluke.

PRIPREMILA:

Emina Turković, dipl.iur.

Stručni saradnik za Javne nabavke



DOSTAVITI:

- Upravni odbor
- Kabinet direktora
- Odjeljenje za ekonomsko-finansijske poslove
- Odsjek za javne nabavke
- a/a

Predsjednik Upravnog odbora

Prim. dr. Sead Željo

